

**Fjármála- og efnahagsráðherra f.h. ríkissjóðs
annars vegar
og
Landssamband lögreglumanna
hins vegar
gera með sér svofellt
SAMKOMULAG
um breytingar og framlengingu á kjarasamningi aðila**

Inngangur

Aðilar eru sammála um að vinna áfram með öðrum aðilum vinnumarkaðarins að sameiginlegum markmiðum, svo sem lægri verðbólgu, auknum kaupmætti og stöðugleika í íslensku efnahagslífi til lengri tíma. Þá er einnig markmið að stuðla að bættum vinnubrögðum við samningagerð meðal annars til að skapa samfellu og einfalda og samræma kjarasamninga auk þess sem lögð verði áhersla á að nýr kjarasamningur taki við af eldri samningi.

Samkomulag BSRB og fjármála- og efnahagsráðherra varðandi viðræðuáætlun og önnur atriði svo sem fyrirkomulag á 0,1% viðbótarframlagi til fræðslumála og endurskoðun lífeyrisréttinda gildir einnig um þennan samning og verður hluti hans.

**1. gr.
Gildistími**

Gildandi kjarasamningur aðila framlengist frá 1. febrúar 2014 til 30. apríl 2015 með þeim breytingum og fyrirvörum sem í samningi þessum felast og falla þá úr gildi án frekari fyrirvara.

**2. gr.
Launahækkanir**

Laun samkvæmt grein 1.1.1 hækki sem hér segir:

- 1.2.2014: 2,8% eða 8.000 kr. að lágmarki fyrir dagvinnu miðað við fullt starf. Á launataxta lægri en 230.000 kr. komi sérstök hækkun til viðbótar um 1.750 kr.
- 1.4.2015: Eingreiðsla 20.000 kr. miðað við þá sem eru í fullu starfi í febrúar 2015. Þeir sem eru í hlutastarfi og/eða hafa starfað hluta úr mánuði skulu fá hlutfallslega greiðslu. Eingreiðslan nær til allra starfsmanna í föstu ráðningarsambandi utan þeirra sem eru í launalausum leyfi.

3. gr.

Persónuuppbót og orlofsuppbót

Persónuuppbót (desemberuppbót) á samningstímanum verður sem hér segir:

Á árinu 2014 73.600 kr.

Orlofsuppbót á samningstímanum verður sem hér segir:

Á árinu 2014 39.500 kr.

4. gr.

Framlagning vaktskrár

2.6.2 Þar sem unnið er á reglubundnum vöktum, skal vaktskrá er sýnir væntanlegan vinnutíma hvers starfsmanns, lögð fram mánuði áður en fyrsta vakt samkvæmt skránni hefst nema samkomulag sé við starfsmenn um skemmri frest. Miðað skal við almanaksmánuð. Ef vaktskrá er breytt með skemmri fyrirvara en 24 klst., skal viðkomandi starfsmanni greitt aukalega 3 klst. í yfirvinnu. Sé fyrirvarinn 24-168 klst. (ein vika) skal greiða 2 klst. í yfirvinnu.

Hér er eingöngu átt við breytingu á skipulagðri vakt en ekki aukavakt.

Taki starfsmaður vakt umfram vinnuskyldu, með minna en 24. klst. fyrirvara á tímabilinu kl. 17:00-24:00 á föstudögum, kl. 24:00-08:00 mánudaga til föstudaga, kl. 00:00-24:00 laugardaga, sunnudaga og sérstaka frídaga, sbr. gr. 2.1.4.2 miðað við 8 klst. vakt, skal greiða 2 klst. í yfirvinnu og hlutfallslega fyrir lengri eða styttri vaktir.

Ákvæði þetta tekur gildi frá og með 11. maí eða þegar nýtt yfirvinnutímabil hefst í þeim mánuði. Þar sem kjarasamningur gildir frá 1. febrúar fá lögreglumenn sem voru í starfi þann 1. febrúar greiddar 7 yfirvinnustundir til að bæta fyrir tímabilið frá 1. febrúar þar til ákvæði þetta tekur gildi.

5. gr.

Vinnusókn og ferðir

5.4.3 Þær stofnanir sem staðsettar eru a.m.k. 1,5 km utan ytri marka næsta þéttbýlis skulu, í stofnanasamningi skv. kafla 11, semja um greiðslur ferðakostnaðar fyrir þá starfsmenn sem ekki búa á staðnum.

6. gr.

Fræðslu- og starfsþróunarsjóður

- 10.4.1 Framlög til Fræðslu- og starfsþróunarsjóðs lögreglumanna hækka um 0,10% frá og með 1. júlí og verða þá 0,40% af heildarlaunum félaga í Landssambandi lögreglumanna.

7. gr.

Atkvæðagreiðsla

Samningsaðilar skulu bera samning þennan, ásamt bókunum og fylgiskjölum, upp til samþykktar. Hafi gagnaðila ekki borist tilkynning um niðurstöðu fyrir klukkan 16:00 þann 2. maí 2014 skoðast hann samþykktur.

Reykjavík, 16. apríl 2014

f.h. fjármála- og efnahagsráðherra
með fyrirvara um samþykki

Halldóra Friðjónsdóttir (sign.)
Stefanía S. Bjarnadóttir (sign.)
Helgi Valberg Jensson (sign.)
Sigríður Hrefna Jónsdóttir (sign.)

f.h. Landssambands lögreglumanna
með fyrirvara um samþykki félagsmanna

Snorri Magnússon (sign.)
Frimann B. Baldursson (sign.)
Pétur Björnsson (sign.)
Baldur Ólafsson (sign.)
Ragnar Svanur Þórðarson (sign.)
Þorvaldur J. Sigmarsson (sign.)
Magnús Jónasson (sign.)
Guðmundur Fylkisson (sign.)

**Bókanir með kjarasamningi
fjármála- og efnahagsráðherra f.h. ríkissjóðs**

**og
Landssambands lögreglumanna**

16. apríl 2014

Bókun 1

Aðilar eru sammála um að á samningstímanum verði unnið að frekari útfærslu á gerð og framkvæmd stofnanasamninga.

Í því augnamiði munu aðilar standa fyrir sameiginlegri fræðslu fyrir stjórnendur stofnana og fulltrúa stéttarfélaganna í samstarfsnefndum um gerð stofnanasamninga. Markmiðið er að fulltrúar beggja vegna borðsins fái sameiginlegan skilning á markmiðum og uppbyggingu samninganna.

Stýrihópur skipaður fulltrúum ríkisins, stéttarfélaganna og fulltrúa frá Félagi forstöðumanna ríkisstofnana hefur umsjón með gerð námskrár og skipulagningu fræðslunnar. Leitað verði eftir sem víðtækastri samvinnu um verkefnið.

Bókun 2

Aðilar eru sammála um að framlengja bókun 5 sem fylgdi síðasta kjarasamningi og fjallaði um fræðslumál. Í tengslum við þá vinnu verði reglur Starfsmenntunarsjóðs Landssambands lögreglumanna og Fræðslu- og starfsþróunarsjóðs lögreglumanna endurskoðaðar með það að markmiði að þjóna betur lögreglumönnum og embættum sem þeir starfa hjá.

Bókun 3

Samningsaðilar eru sammála um að á samningstímanum verði fylgiskjal 2/1987, með kjarasamningi fjármálaráðherra f.h. ríkissjóðs og Landssambands lögreglumanna, undirrituðum 22. maí 1987, sem er að finna í viðauka 3 í kjarasamningi aðila, tekið til sameiginlegrar skoðunar.